

後序

竊聞莊列文庚者迺老氏之門人高弟也當此周時皆親授五千言教探道德之奧旨捨四子之外其孰能與於此哉今之諸集解義多浮誕了無所執各尙異端百無一當尙辭者逞於談辯遺於體要玩理者拘於淺近昧乎指歸是以大道隱於小成固閉而不能開久屈而不能伸由是天下莫不以空性爲科邪說爲惑皆不能反于正道也今古襄寇志道者多聞博識有生知自然之性自幼及冠心不掛細務不以名利爲急酷嗜恬淡之樂然而經史不輟於涉獵諸子之中僻好道德二篇閱及舊注背義者多故慨然篤志累日滋久不捨晝夜遂成一編之書

道藏輯要

後序

一 心集二  
X上三

以論道德之根本然猶不肯恃已所長輒引莊列文庚爲證庶息天下未達者之謗議也迺目之曰四子古道義十卷或隨經辯注或總章定名纂違義者有一百餘家譏改本者近八百餘家尊上古結繩之化述聖人體道之規誚尙怪以遺眞鄙泥空而失治門目備次章句有歸鬼神之說斥之於無稽方術之事屏之於不用其道之功用燦然靡所不載可使後之宗風者開卷見道而不勞聰明昔孔子推高老氏之言故嘗歎之猶龍以其變化不測可謂立德深矣遠矣驗之於古考之於今俾人甚易知甚易行爲萬世之龜鑑者不據是論余何言哉於戲聖道之興信有時乎業得觀高論醉眼豁然如披霧而覩光明蓋天

之未喪斯文也謹援筆直序跋之卷尾姑以讚先生之用心耶  
時大定二十年庚子歲正月上元日鄉貢進士滄源繁時劉諤  
庭直序

道藏輯要

後序

二

心集二  
上十一

正一天師清微弟子 洪百堅 製作  
首教學術資訊網

